

活木
般若心經注解

般若心經注解

沙門圓耳集

集

卷

科此經為二

初題目

摩訶般若波羅蜜多心經

摠此經有七本異譯

此本玄奘所譯經也。唯有正宗無序及流通法月譯本云於王舍城耆闍崛山觀世音菩薩白佛言世尊我欲於此眾中宣說般若波羅蜜多心唯願世尊聽我所說。爾時世尊告

觀世音菩薩言善哉善哉具大悲者聽汝宣
說於是觀世音菩薩蒙佛聽許入惠光三昧
彼三昧起告舍利弗說之智惠輪論之摩訶者
梵語此翻為大凡夫執六塵心著世間故名
隔礙名之為小今破妄念不着六塵悟心境
空心量廣大猶如虛空無有邊畔亦無方圓
大小亦非青黃赤白亦無嗔無喜無是非
無善無惡無有頭尾無有一法可得名之為
大般若者梵語此翻為智惠凡夫妄背本心
堅執我見是名愚癡今破愚癡悟本來無我
名之為智惠波羅蜜多者梵語比云到彼岸
迷本心居生死曰此岸悟本心到心體不生
不滅曰彼岸心者大智惠到彼岸之心也此
心人人具足天真自性也經者訓法訓常法
則群機所軌為常
則百世不易也

次本文二

初經家據行標起又四

初能觀人

觀自在菩薩

能脩般若之菩薩名
也忠云此破凡夫羣

劫背心唯觀諸法被法所拘不得自在今悟
心無心了境無境心境兩亡無了可了坦然
無礙故名自在私曰被法縛是觀不自在也
謂法是聞無念百物不思為令念絕是法縛
也今離於法縛法得自在是觀自在也謂法
是悟無念而見一切法心不染著是為無念
本心自六根走出於六塵中無染無著來去
自由是觀自在也菩薩者菩謂菩提此云覺
上求菩提故薩謂薩埵此云眾生下救眾生
故所以從境得名也忠云菩之言了薩之言

見了見諸法本來
空寂故名菩薩也

次所脩觀
行深般若波羅蜜多時
行者般若

也謂以無行為行也若起行相心者相違般
若無相般若經曰般若如火炎不可取四邊
取者即燒手古德曰道體本無脩不脩自稱
道若起脩道心此人不稱道深般若波羅蜜
多者此破心外求法小乘人不悟自心本來
具足妄求言教以為智惠名為般若妄息心

念求不生不滅名為波羅蜜是名淺般若今更舉行深般若以明大乘對破前病菩薩了見心本來空寂名為般若了見心本來不生不滅名為到彼岸是名深般若波羅蜜多時者菩薩脩行般若時也忠云時者過去現在未來心俱不可得故名為時

三所觀境

照見五蘊皆空

照觀也謂住本心無照見日照見若

起照見心法成差別背般若無相豈顯五蘊空楞嚴曰自心分別自心非幻成幻法比住

於本心五蘊幻法天真自尔開發般若真空為五蘊者色受想行識也合色為一開心為四亦四心中受想行心所識心王也色謂眼耳鼻舌身色聲香味觸無表色此十一種名為色蘊受謂領納苦樂捨三名為受蘊想謂執取苦樂怨親男女等像名為想蘊行謂心處有四十六除受想二餘四十四及十四不相應此五十八法摠名行蘊造作遷流二義名行據此義邊色等五蘊俱合名行謂由行蘊攝法多故偏得行名識謂了別名識此有

六種了別不同謂初眼識了色乃至意識了法
 是名識蘊蘊者積聚為義所有色為一聚
 名色蘊乃至所有識為一聚名識蘊皆空者
 般若真空也謂凡夫妄情於我及一切法周
 遍計度一一執為實有如癡孩鏡中見人面
 像執為實有是云徧計所執所執法依他眾
 緣相因而起都無自性唯是虛相如鏡中影
 是云依他起性本覺真心始覺顯現圓滿成
 就真實常住如鏡之明是云圓成實性今言
 皆空者離諸法相其體似空故且云空實不

可云有不可云空其體不思議也覺了此理
 以心不可覺心外亦以心不可覺自己其體
 即是永嘉大師云若以知知寂此非無緣知
 手執如意非無如意手若以自知知亦非無
 緣知如手自捉拳非是不拳手亦不知知寂
 亦不自知知不可為無知以性了然故不同
 於木石如手不執物亦不自作拳不
 可為無手以手安然故不同於角兔

四所破障

度一切苦厄

度度脫也一切苦厄
 內了本來空寂實無

纖毫可得外脫分段反劫二種生死厄者災也困也已上一段阿難結集法藏時敘述觀自在菩薩度生之功行此是別序也下段自舍利子去觀自在菩薩答舍利子所問也

次菩薩利他正說二

初顯說般若二
次密說般若二

初約五蘊畧明二

初約色畧明

舍利子色不異空空不異色色

即是空空即是色

孤山云正說分顯了般若秘密般若所以有此二者

隨機不同或聞顯歡喜或聞密適悅生善破惡入理皆然故知顯秘之談俱為發生妙惠也問秘密不可解云何亦發惠答達不可解空是則能發惠故大論引天子謂須菩提所說般若隱密難知我不能解而須菩提答云不解亦空是般若也應知取着心誦顯了亦只增福以無相心誦秘密則能發惠舍利子者梵云舍利弗舍利鬘身弗鬘子今二字存

梵一字從華故云舍利子母好身形故母名
身身之子故名身子佛弟子中智惠第一為
大衆請問故觀自在菩薩呼其名告之色不
異空者以色舉體全是真空不即斷空故色
舉體皈於真心之空不合皈於斷滅之空以
本非斷空之所變故斷空則是虛豁斷滅無
知無用不能現於萬法如鏡外之空非同鏡
內之空色相宛然求不可得謂之空空不異
色者真空必不異色故云空不異色何以故
凡是真空必不異色以是無相理非斷滅故

是故是空即是色若離真求空理即成斷滅
今即真明真空之理離真何有理乎以真如
不守自性隨緣成諸妄法則舉空全色舉理
全妄色即是空空即是色者云空色無礙謂
色舉體全是空空舉體全是色故看色無不
見空觀空莫非見色無障無礙為一味法也
如舉衆波全是一水舉一水全是衆波波水
不礙寶藏論云空可空非真空色可色非真
色真色無形真空無名無名名之父無色
色之母為萬物之根源作天地之太祖

次例餘四蘊

受想行識亦復如是

例餘四蘊

次歷諸法廣示四

初顯法體

舍利子是諸法空相不生不滅不

垢不淨不增不減

是諸法者指五蘊並十二入等一切諸法也空相者

真空實相也非了心外諸法真空實相了但自己本心空寂諸法自空寂故曰是諸法空

相也不生不滅不垢不淨不增不減者了自
己本心法法是心心無諸相豈有生滅增減
等耶

次明所離四

初明空無三科自三

初明空無五蘊

是故空中無色無受想行識

五蘊即合色為一開
心為四具如上注云

次明空無十二處

無眼耳鼻舌身意無色聲

香味觸法

十二處謂六根六境是心心所生
長門處由六識生必託根境方能

起故名云處處即合色為十色處半謂眼耳
鼻舌身色聲香味觸為十處及法處一分也
合心為一心處半謂意
處全及法處一分也

三明空無十八界

無眼界乃至無意識界八十

界謂六根六境六識界種族為義比有兩釋
一生本義謂十八界為同類因各生自類等
流果故是法生本也又一相續有十八類諸
法種族名十八界界即色心俱開謂開色為
十色界半謂眼耳鼻舌身色聲香味觸為十
界及法界一分也開心為七心界半謂眼識
耳識鼻識舌識身識意識意根為七界及法
界一分也十八界中舉始末二界畧中間十
六界故云
乃至也

次明空無因緣

無無明亦無無明盡乃至無

老死亦無老死盡

是有生滅十二因緣生為凡夫滅為聖人即緣覺所

脩觀也空無凡聖故生滅俱無之生十二因緣者一無明二行三識四名色五六處六觸七受八愛九取十有十一生十二老死初無明者過去世起煩惱摠名無明不有智慧無所明故次行者過去世起諸業摠名為業業名為行造作義故三識者於母胎正結生時

一刹那名識四名色者從結生後六處生前中間色心摠稱名色心但有字故云名色乃算礙故云色五六處者從名色後三和已前生眼等根為識心之所涉入名六處此是胎中鉢羅奢位也六觸者出胎後三兩歲來根境識三能有對觸摠名為觸於三受境未能了知故七受者五六歲已去十四十五已來已了三受差別相未起媯貪此位摠為受八愛者十五已去貪妙寶具媯愛現行摠名為愛九取者取謂貪也年既長大貪五欲境四方馳

求不憚勞倦，摠名為取。十有者，因馳求故，積集能牽，富有果業，摠名為有業。名為有，有當果。故十一生者，從此捨命，正結當有，摠立生名。當來生支，即如今識。十二老死者，於當來世受生已後，有名色支。次生六處，次生觸支。次生受支，比之四位，摠名老死。如是老死，即如今世名色六處，觸愛四支，是名三世兩重。十二因緣，依過去無明煩惱行業，感現在五果。識名色六入觸受依現在三因愛取感未來兩果。老死是名生十二因緣也。滅十二因緣者，無明

滅，即行滅。行滅，即識滅。乃至老死滅，是名滅。十二因緣盡滅也。大乘菩薩悟了本心，空自然無生滅。因緣也。

三 明 空 無 四 諦

無 苦 集 滅 道

四諦者一苦諦 二集諦 三滅諦

四道諦初苦者，遍惱為義。即生死苦果一切有為法，無常所逼，惱次集者，招集為義。謂煩惱業聚集，招生死果。三滅者，滅無為義。結業既盡，則無生死一切患累，故名為滅。四道者

能通為義正道助道三十七品惠行名為正道此二相技能通涅槃故名道諦者審實不虛義也謂苦實無不苦乃至道實無不道列苦集滅道苦集世間因果滅道出世因果而皆先果後因者意欲令知苦斷集慕滅脩道離苦得樂也此聲聞所脩觀也大乘菩薩悟了本心自然無四諦相也

四明空無境智

無智亦無得

忠云推照諸法了無所得名之

為智諸法本空何假推照故云無智自性清虛實無一法可得故云亦無得也問若尔者歸斷滅耶答不尔耳宗鏡錄曰惑人聞經云真般若者無知無見無作無緣便謂般若同於太虛無情之流墮於斷見既乖般若論主肇公作般若破之故云世稱無知者謂木石太虛無情之流論題無知者為明聖心無有取相之知故云無知非謂無真知也何者般若靈知無鑑不知不同太虛一向無知也然則斷見無知畧明有十一種論中畧言三種十

一者太虛一向空故二者木石謂無
情故三者聾瞽謂根不具無見聞故此上三
種是論所破四者愚癡謂無智惠於境不了
故五者癩狂惡鬼惑心失本性故六者心亂
境多惑心不能決斷故七者悶絕心神闇黑
如死人故八者昏醉為藥所迷故九者睡眠
神識困熟故十者無想定外道伏惑心想不
行故十一者滅盡定二乘住寂心智止滅故
此上並是惑倒非般若無知也又云若執心
境是實人法不空徒經萬劫脩行終不證於

道果若頓了無我深達物虛則能所俱消有
何不證猶如微塵揚於猛吹輕舸隨於迅流
只恐不信一心自生艱阻若入宗鏡何往不
從且如勇施菩薩因犯姦欲尚悟無生性比
丘尼無心脩行亦證道果何況信解一乘之
法諦了自心而無剋證乎或有疑云豈不斷
煩惱耶解云但諦觀殺盜姦妄從一心上起
當處便寂何須更斷是以但了一心自然萬
法如
幻

三明辨所得二

初牒前起後

以無所得故
以用也即菩薩諸佛用前所明無所

得心得智

斷果也

次正明所得二

初明分真斷果二

初舉人依法

菩提薩埵依般若波羅蜜多故

菩提薩埵能依之人也依般若波羅蜜多故
所依之法也謂自己本心元離能所若有能
所即燒
於手

次斷障得果二

初斷障

心無罣礙無罣礙故無有恐怖遠離

一切顛倒夢想

依般若法門得心無業縛故云心無罣礙依無業縛故無

生死恐怖云無有恐怖既無生死恐怖則無顛倒煩惱云遠離一切顛倒夢想

次得果

究竟涅槃

涅槃者梵語具云摩訶般涅槃那華言大滅度大即

法身滅即解脫度即般若謂心本離於邊半是大心本離於業障是滅心本離於癡闇是般若此之三德非有各別一法三義也悟了此本心三德自然三障如幻也忠曰心若有生即有可滅心本無生實無可滅無生無滅名為涅槃究者窮也竟者盡也三世塵勞妄

念本無生滅故云究竟涅槃私曰涅槃義翻云不生不滅忠師意隨義翻解之

次明究竟智果二

初舉人依法

三世諸佛依般若波羅蜜多故

三世諸佛達無所得大道方成

次正明得果

得阿耨多羅三藐三菩提

阿耨多羅

此云無上三藐此云正三此云等菩提此云
覺謂無上正等覺也覺自心本來是佛當一
切妄法自覺了故云正等
覺無過此覺故云無上耳

四明歎勝能結前生後二

初別歎

故知般若波羅蜜多是大神咒是大

明咒是無上咒是無等等咒

故知結前生後
語佛菩薩依般

若得菩提涅槃故般若若是咒言咒者約譬歎
也以諸神仙得秘咒故轉變自在佛菩薩行
般若故能轉凡成聖若尔則顯說密說成是
咒義故今所歎結前顯說起後密說四種咒
者蓋言般若功用了於本心自破魔障名大
神咒了於本心自滅癡闇名大明咒了於本
心極萬法源無濟等者名無等重言等者此
彼法身等故云等十地論云無等者謂佛比
餘衆生彼非等故重言
等者此彼法身等故云

次揔歎

能除一切苦真實不虛

般若功用廣大無邊除二

死苦決

定無疑

初標章

故說般若波羅蜜多咒即說咒曰

如文

次正咒

羯諦羯諦波羅羯諦波羅僧羯諦菩薩

提薩婆訶

是咒有無鬪有鬪兩義言無鬪義者咒是佛之密語非下凡所知法

華疏云咒是鬼神王之名号稱其王名則部

落敬主故能降伏一切鬼魅縱譯梵成華人

亦不曉故凡當密語例皆不鬪深求其致只

是密說前般若無所得心耳其猶世人典語

召物庸俗莫得而知物豈異哉或作譯鬪言

解義者恐違秘密之說今無取焉次言有鬪

義者忠曰羯諦羯諦者繫着名諦羯者除也

塵勞妄念智惠蕩除故云羯諦又重言羯諦

者云了身空私曰了於本心自然顯心身空

寂云羯諦空心羯諦空身○波羅羯諦者心身本

清淨有何妄念可除故云波羅羯諦波羅僧
羯諦者清淨對塵勞塵勞本來無清淨名不
立故云波羅僧羯諦菩提薩婆訶者菩提是
道薩婆訶是行悟達本性即是道行菩提言
了薩婆訶言見了見本心云菩提薩婆訶又
菩提是心薩婆訶是一切法一切法本來是
心故云菩提薩婆訶如是神咒直指本心心
無動靜不可起心求心心無生滅不可將心
滅心心非內外中間不可向內外中間求心
非一切處不可向一切處求求不可得故此

譯本無流通般若三藏譯經末曰尔時世尊
從廣大甚深三摩地起讚觀自在菩薩言善
哉善男子如是如是汝所說甚深般若波羅密
多行應如是行如是行時一切如來皆悉隨
喜尔時世尊說是語已舍利子大喜充遍觀
自在菩薩亦大歡喜彼衆會天人阿脩羅等
皆大歡喜信受奉行智
惠輪論譯經亦同之

般若心經注解 終

般若心經


十一

夫是經諸佛靈知諸祖正眼爰有大乘信解
優婆塞予請置相教注自性故隨能大師解
誌之依忠國師鈔著焉真以此贊經力施他
演說無窮所獲利益廻向菩提實際衆生但
識見荒蕪俟來哲添削耳

維時慶長^{丙午}林鐘七日於大照庵圓耳謹記

慶長拾四配歲四月日 亦正真判行

本喜日摩長木活板分ありて
和兵造代の各座敷を和和の
白河守のり



110X
52
1